

EYEN-ERỌŃ ABASI
Eriyarare 5:1-14
ỌYỌHỌ UKPEP-ŃKPỌ 461
Eke Mkp̄arawa

IKỌ IBUOT: “John okut nte Jesus asaṅade ekpere enye, onyũ ọdọhọ ete, Sese, Eyen-erọŃ Abasi emi emende mme idiọk-ṅkpọ ererimbot efep” (John 1:29).

Eyen-erọŃ Abasi

Christ ke akpanikọ amakabare edi Eyen-erọŃ Abasi,” ke ini Enye akakpade ke krọs. Ema emek Enye ndidi “eyen-erọŃ toto ke eritọŃ ererimbot.

Idiọk-ṅkpọ owo ama enyene ndik, osuk edi ntre idahemi, ke mibọhọke mkpa Eyen Abasi ke Calvary ikpọŃ ekeme ndifak mme ukpọŃ emi ema eketak. Ọkọduọk Iyip Esie man eyet idiọk-ṅkpọ mme owo emi ekabarede esit ke akpanikọ. “Koro ekewotde Fi, Afo ama onyũ ada iyip Fo osio owo ke kpukpru esien, ye usem, ye obio, ye idut, afak mmọ ọnọ Abasi” (Eriyarare 5:9).

Nnyin ikpọkọm Abasi didie ke Enye ndinọ ikpọŃ-ikpọŃ Eyen Esie man edikpa ke nta mme idiọk-ṅkpọ nnyin, ye ndinam enye eset man etebe nnyin ikpe. Nnyin emi ikedide mme anam-idiọk, imenyene “Eyen-erọŃ” uwa emi ọfọnde ama onyũ ekemde udeme ke kpukpru usu!

Ebekpo Abasi

Nte John okokutde ediwak utibe-ṅkpọ ke Usen ỌbọŃ, ke ndobo Isuo Patmos emi enye okodude, enye ama okut Ebekpo Abasi ye owo kiet nte etiede ke Ebekpo. Ekedị ata nsem-nsem uyai, ebiet ata mme ọsọŃ-urua itiat. Akpara onyũ akan ebekpo oro okuk. Mmọ emi eketiede ekan ebekpo oro ekuk ekedi mbiowo edip ye inaŃ; emi esinede mfia ọfọnidem, enyũ eyara anyanya o-gold ke ibuot mmọ.

John ọkọsuhọre didie idem, ikpọŃ owo emi ekebinde esio ke obio, ndikut ubọŃ eke odude ke Ebekpo Abasi! Se utọ ukpono eke enọde owo!

Ke ini ke ini mbiowo oro ke eduọŃ ke isọŃ ke iso Enye emi etiede ke Ebekpo, ke nditim ntiŃ, Enye idighe efen kebede Abasi Ete. Mmọ eduọŃ mme anyanya ke iso Ebekpo enyũ edọhọ ete, “ỌbọŃ ye Abasi nnyin Afo omotod ndibọ ubọŃ, ye ukpono ye odudu, koro Afo okobotde kpukpru ṅkpọ; ndien oto uduak Fo ke okobot mmọ, ke inemesit Fo mmọ enyũ edu” (Eriyarare 4:11).

Ńwed Emi Efikde IdiọŃ

Ke ubọk nnasia Abasi ke Ebekpo, Ńwed ama odu, emi ewetde ṅkpọ ke esit esit ye ke edem-edem. Ema efik Ńwed oro ye ufik-ṅkpọ itiaba. Nte John esede ọkpọsọŃ uyo “Anie omotod ndikibọre ṅwed emi, ndinyũ ndianare mme ufik-ṅkpọ esie?” (Eriyarare 5:2). Baba owo kiet ke heaven ye ke isọŃ emi eke kutde eke odotde ndikibọre nnyũ ṅkot Ńwed oro, mme ndinyũ nse ke esit ikoduhe. John ama atua eti eti, ke ini mikwe baba owo kiet ke otu owo ndikibọre Ńwed oro. Nte akanam amatua oyom ndifiọk uduak Abasi, ndien onyũ adara ke Enye anamde aṅwaṅa fi?

Nte John akatuade eyet ndien kiet ke otu mbiowo ọdọhọ enye ete “kutua; sese, Lion emi otode ke esien Judah, kpa oruṅ David, amakan, adaṅa nte enyenede ukeme ndikibọre ṅwed oro nnyũ ndianare mme ufik-ṅkpọ itiaba’ (Eriyarare 5:5).

Enọ Eyen-erọŃ Ito

John ama okut Jesus nte Eyen-erọŃ emi ekewotde, adade ke ufọt Ebekpo ke otu mbiowo. Ndien Enye edibọ Ńwed ke ubọk Anditie ke Ebekpo. Emi akada ndise akwa idara ye ekọm edi. Mbiowo edip ye inaŃ oro eduọŃ ke iso Esie enyũ etuak ibuot. Mmọ kpukpru ema enyene harp ye eso o-gold; emi ọyọhọde ye incense, emi edide mme akam nti ikọt Abasi. Kere ise! Nte ekpedide mmem-mm̄em man akam ofuri esit fo edi kiet ke otu mme itoro emi enyenede ubọŃ ntem emi enọde Abasi! Nte mbiowo oro etuakde ibuot, mmọ ṅko ekwọ obufa ikwọ ete, “Afo omotod ndida ṅwed, ndinyũ ndianare mme ufik-ṅkpọ esie: omonyũ anam mmọ edi Obio UbọŃ ye mme oku enọ Abasi: mmọ eyenyũ eda ubọŃ ke isọŃ” (Eriyarare 5:9, 10).

Mbiowo edip ye inañ oro ikedighe efen ikan mbiet ndisana nditọ Abasi emi etañde edọk, sia ema ekefak mmọ esio ke kpukpru oruk owo ye idut. Mmọ ekenyene ndikara ke isọñ, emi edide uñwọñ emi ekenode nditọ Abasi emi edisobode ye Qbọñ ke ntañ-ndọk. Mmọ enyene ndifiak ndi ye Enye man edikara ye Enye mi ke isọñ ke tọsin isua (Millenium).

Anie mikpenyeneke udọñ ndikwọ itoro Abasi ye utọ idorenyin eke etiede ntem? Owo Abasi edi enye emi enyenede inemesit, ndusuk ini enye esinyene mbufiok abañña mme ñkpọ edem enyọñ, ñko enye enyene idorenyin ndikut Jesus, nnyuñ nda ubọñ ye Enye.

Nte mbiowo oro ekwode, uyo ediwak angel ye anana ibat mmọ emi ekefakde ediana edọhọ ete, “Eyen-erọñ emi ekewotde omodot ndibọ odudu, ye inyene, ye ifiok, ye ukeme, ye ukpono, ye ubọñ ye eridiọñ” (Eriyarare 5:12). Ndien etie nte kpukpru ekondo ediana ke nditoro Eyen-erọñ emi.

Mmem-idem Owo

Mme nti ikwọ ye itoro eke nnyin inọde Abasi kemi ikemke, onyuñ efere adaña didie ke ndida ndomo ye akwa ndise emi John okokutde! Edieke kpukpru udim heaven edianade ini kiet ke nditoro Eyen-erọñ Abasi, nsinam ndien mme owo, iren ye iban, ye mkparawa iren ye iban, ke emi minyimeke ndinọ Abasi ubọñ eke odotde Enye ndibọ? Mmọ emi edide nditọ Abasi eñwana nditoro Enye; edi ediwak ini, mmọ ekut ete idighe ñkpọ eke ikemede nditim nyarare ñwut ntọtuñọ udọñ mmọ. Mmọ emi midighe Nditọ Abasi ikemeke ndikut ufọn ye ubọñ Abasi.

Ini kedi emi anade kpukpru owo etọñọ edọñ enọ Abasi (Isaiah 45:23). Idara eke enyenede ubọñ, ye idorenyin ididuhe inọ owo emi edinyikde ọtọñọ edọñ okpono Abasi. Ndik ikpọñ edida itie, ye ndifiok nte ke ukpọñ imọ amatak, ñko ke iyebuana ke udiana mkpa emi edidiañare imọ ikpọñ Abasi ke nsinsi-nsinsi.

Yak nnyin iyom inyuñ ikpono Christ, Eyen-erọñ ye Andinyaña nnyin, inyuñ inọ Enye ukpono ye itoro. Yak inọ Enye uwem nnyin, ye mme talent nnyin ñko, inyuñ ikwọ itoro inọ Enye. Yak nnyin isin esit iyom ndibuana ke ibat mmọ emi edifiakde edi ndikara nnyuñ nda ubọñ ye Enye, nte ndidem ye mme oku mi ke isọñ ke tọsin isua, ndinyuñ ndu ye Enye ke nsinsi.

MME MBUME

- 1 Ini ewe ke ekemek Jesus ndidi Eyen-erọñ Abasi?
- 2 Nso ikedi mme ikọ John Oduok-owo-mmọñ, ke abañña Jesus nte Eyen-erọñ Abasi?
- 3 Tiñ baña Ñwed emi Anditie ke Ebekpo akakamade ke ubọk nnasia.
- 4 Mmọ ekeyom anie okubọre Ñwed?
- 5 Nso ke kiet ke otu mbiowo eketiñ ọnọ John nte enye atuade?
- 6 Nso ikedi mme eso emi ọyọhọde ye incense?
- 7 Nso ke mbiowo ekenam ke ini Eyen-erọñ okọbode Ñwed oro?
- 8 Nte mme angel ema eñwam ndikwọ obufa ikwọ? Nso edi ntak?
- 9 Mbiowo emi ekedi mbiet mme anie?